

3  
CHRISTIANO LECTORI IO-  
HANNES QVINQVAREBOREVS  
Aurilacensis ling. Heb. & Cald.  
Regius professor. S. D.



*Q*uando diuinæ bonitati visum est Christiane le-  
ctor, homini ostendere & declarare quis cultus  
sibi maximè placeret, certissimos suæ voluntatis  
elegit interpretes & nuntios, per quos vetus ipsum  
fœdus Hebraicè, nouum verò Græcè & Hebraïsmis sca-  
tens obseruandum mortalibus traderet. Sed, ut verè diuinus  
ille Plato dixit, quia tantum malum hominibus est ignoran-  
tia, ut propter illam nos lateat, cum malè quid agimus, &  
ut idem ait, aduersus ignorantiam vniuersam nullum inue-  
niatur præter doctrinam remedium, deceatque eum, qui ma-  
gnus vir futurus est, neque seipsum, neque sua diligere, sed  
iusta semper, siue à seipso, siue à quouis alio gerantur: nam  
accidet aliqui, ait ille, ut ignorantiam nostram sapientiam  
esse opinemur: ut ignorantia ipsa, Philoni extremus animæ  
morbus, profligetur, studiū tuum præcipuè conuertere ad præ-  
cepta Hebraicæ linguæ, quæ nihil prorsus nisi sanctum, nisi  
purum & honestum, diuinum & cœlestē docet: ita enim di-  
uina doctrina tuum excoles animum, atque eadem relaxabis  
In ciuili, vel eundem, neque, ut ad hoc Plato dixit, te in admirationem  
de Regno. trahet ignorantia. Caterū quum Grāmatica eruditio cæ-  
Bibliotheca hi teris, ut Diodorus Siculus habet, anteponenda sit disciplinis,  
storia lib. 12. Charondas ille Thurius, qui ciues illiteratos tanquam sum-  
mis quibusdam priuatos bonis, simul increpando commonuit,  
legem tulit, qua liberi ciuium omnes in ipso ludo & primis  
literarum rudimentis instituendi traderentur, conductis ad

A 3 id

2  
GILBERTI GENEBRARDI  
Benedictini Mosaceni Aruerni in has  
Hebraicæ linguæ Institutiones.

Dogmata sunt (fateor) Græcis depicta figuris  
Et latiis, quouis tempore digna legi.  
Rectius utque suo teneas mentem ore loquentis,  
Utque tibi facias hac ratione satis:  
Temporis intereā meliorem impendere partem  
Hebræis longè dignius esse puto.  
Nam cæci quantum laudata poemata vatis  
Iobæis cedunt versibus atque modis:  
Esaiæ quantum Arpinas facundia linguæ,  
Mosaïcisque loquax Græcia tota tropis:  
Et quantum lyrici psalteria musica Regis  
Pindareum superant qualibet arte melos:  
Iudicio nostro tantum, dulcissime lector,  
Concedunt linguæ cætera quæque sacra.  
Quare in eam iuuenes, totis incumbite nervis,  
Atque istud vobis ære paretur opus.  
Nanque ut perdoctus, facilis, brevis author habetur,  
Sic doctum hunc facili condidit arte librum.  
Grammaticen multi multos docuere per annos,  
Nec tamen ullus adhuc præceps ei prædixit:  
A minimis etenim summas delapsus ad oras,  
Ordine quæque mouet, continuatque suo.  
Inspergit varios miræ utilitaris odores,  
Exemplis linguæ semina iacta fouet.